



Broj: 17-11-44383-8/20
Sarajevo; 08-01-2021 godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ broj 5/06 – Prečišćeni tekst) i preporuke Komisije za nabavku robe u postupku javne nabavke za "Nabavku i isporuku toaletnog papira, maramica, peškira i salveta" (Zapisnik o pregledu i ocjeni ponuda broj: 17-11-44383-7/20 od 06.01.2021. godine), načelnik Stručne službe za zajedničke poslove Kantona Sarajevo, donosi:

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku roba u postupku javne nabavke za "Nabavku i isporuku toaletnog papira, maramica, peškira i salveta" i dodjeljuje se ponuđaču **"DEFTER" d.o.o. Sarajevo**, prema dostavljenoj ponudi broj: 812/2020 od 30.11.2020. godine u ukupnoj vrijednosti od **88.890,00 KM** (bez PDV-a), odnosno **104.001,30 KM** (sa PDV-om).

Član 2.

Prijedlog okvirnog sporazuma dostavit će se na potpis izabranom ponuđaču u skladu sa članom 72. stav (1) ZJN. Izabrani ponuđač je dužan dostaviti originalne dokaze ili ovjerene kopije **po članu 45. ZJN** kao i **po članu 47. ZJN** u roku od 3 (tri) dana nakon što svi učesnici budu obaviješteni od strane Ugovornog organa o rezultatima postupka nabavke. U slučaju da izabrani ponuđač propusti da dostavi originalne dokaze ili ovjerene kopije o kvalificiranosti u navedenom roku ili dostavi neprihvatljive dokaze, smatrat će se da odustaje od okvirnog sporazuma.

Član 3.

Ova odluka objavit će se na web stranici ugovornog organa, <http://jn.ks.gov.ba> istovremeno sa upućivanjem iste ponuđačima koji su učestvovali u postupku javne nabavke.

Obrazloženje



Postupak javne nabavke pokrenut je Odlukom o pokretanju postupka javne nabavke broj: 17-11-44383/20 od 09.11.2020. godine – "Nabavka i isporuka toaletnog papira, maramica, peškira i salveta". Javna nabavka je provedena putem postupka: Otvoreni postupak. Procijenjena vrijednost javne nabavke bez PDV-a iznosi 130.000,00 KM. Za predmetnu nabavku objavljeno je dodatno obavještenje o nabavci na portalu javnih nabavki pod brojem 1230-1-1-87-3-45/20 od 09.11.2020. godine.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka sa objavom obavještenja na portalu javnih nabavki, Komisija je na osnovu utvrđenog roka za prijem ponuda do 30.11.2020. godine do 13,30 h konstatovala da su u uredno zatvorenim kovertama dostavljene ponude od ponuđača:

1.	"DEFTER" d.o.o. Sarajevo, ul. Gatačka 20, 71000 Sarajevo
2.	"AERO-EXCLUSIVE" d.o.o. Sarajevo, ul. Kolodvorska 12, 71000 Sarajevo

U skladu sa Odlukom o pokretanju postupka, Komisija za nabavku robe formirana Odlukom broj: 17-11-43096 od 02.11.2020. godine provela je proceduru nabavke, obavila javno otvaranje ponude, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Otvorenom postupku. Zapisnik o pregledu i ocjeni ponuda broj: 17-11-44383-7/20 od 06.01.2021. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda dvije (2),
- da je blagovremeno zaprimljeno ukupno dvije (2) ponude,
- da nema neblagovremeno zaprimljenih ponuda,
- da ponuda ponuđača "DEFTER" d.o.o. Sarajevo, ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.
- da ponuda ponuđača "AERO-EXCLUSIVE" d.o.o. Sarajevo, ne ispunjava uslove propisane od strane ugovornog organa iz sljedećih razloga:

- Ponuđač "AERO-EXCLUSIVE" d.o.o. Sarajevo je dostavio ponudu koja nije u skladu sa zahtjevanim uslovima iz tenderske dokumentacije. Naime, u tenderskoj dokumentaciji (str. 6) pod tačkom 1.5. Tehnička i profesionalna sposobnost – član 48.-51. Zakona je zahtjevano: "*Dokaz se u skladu sa članom 48. Zakona o javnim nabavkama dostavlja u formi spiska izvršenih ugovora uz potvrdu koju daje druga ugovorna strana o njihovoj realizaciji*". Navedeni ponuđač je u svojoj ponudi broj: 30-11/2020 od 30.11.2020. godine (str. 25) dostavio (dokaz) potvrdu o dobro izvršenom poslu za sve tri godine (2017, 2018 i 2019) od strane firme "EXCLUSIVE" d.o.o. Zenica. Nakon detaljne evaluacije ponude i to aktuelnog izvoda iz sudskog registra (str. 9) broj: 065-0-RegZ-20-008907 od 16.11.2020. godine, Komisija je utvrdila da je jedan od osnivača ponuđača "AERO-EXCLUSIVE" d.o.o. Sarajevo, firma "EXCLUSIVE" d.o.o. Zenica. Obzirom da je firma "EXCLUSIVE" d.o.o. Zenica osnivač i vlasnik firme "AERO-EXCLUSIVE" d.o.o. Sarajevo, ovaj dokaz (potvrda) nije validan jer je suprotan zahtjevima iz tenderske dokumentacije, budući da potvrdu mora dati druga ugovorna strana, odnosno da privredna društva ne mogu sama sebi izdavati navedene tražene potvrde. U skladu sa navedenim ponuda ponuđača "AERO-EXCLUSIVE" d.o.o. Sarajevo sa odbacuje kao neprihvatljiva u skladu sa članom 68. stav (4) tačka i) Zakona o javnim nabavkama.



Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke "Nabavka i isporuka toaletnog papira, maramica, peškira i salveta" kako slijedi:

1. "DEFTER" d.o.o. Sarajevo	100 bodova
-----------------------------	------------

U skladu sa kriterijem "ekonomski najpovoljnija ponuda" sa potkriterijima: cijena 80%, rok isporuke 15% i način plaćanja 5%, **ugovor se dodjeljuje ponuđaču "DEFTER" d.o.o. Sarajevo** u ukupnoj vrijednosti nabavke od **88.890,00 KM (bez PDV-a)**, a cijena sa PDV-om iznosi **104.001,30 KM**, rok isporuke **1 (jedan) dan** i način plaćanja **60 (šezdeset) dana**.

Pouka o pravnom lijeku:

U skladu sa članom 101. stav (1) tačka d) Zakona, protiv ove Odluke može se izjaviti žalba ugovornom organu, najkasnije u roku od deset (10) dana od dana prijema ove Odluke, na način propisan članom 99. Zakona i 105. Zakona.



Pripremio: Almir Mešić, dipl.iur.
Kontrolisao: Sedin Kozadra, dipl.ecc.

Prilog:

1. - Zapisnik o pregledu i ocjeni ponuda broj: 17-11-44383-7/20 od 06.01.2021. godine

Dostaviti:

1. Svim učesnicima u postupku,
2. Arhivi.

